

後村集卷之四十九

詩話 續集

陶弼商翁與楊旼樂道同時一生仕宦廣西晚守欽
順二州集中多佳句前已采其一二它五言如塞上
云星落胡王死河窮漢使歸雪山經夏冷天馬入秋
肥覲教戰云晉興由帥讓楚敗以師喧行役云陰微
辨樵火霽早誤僧鍾雜詩云久閑忘將略多病孰醫
書順州云渴蜂銜研水飢蝶嗅屏花七言汴河云柳
與楊州今獨在水和隋帝不重來柳州云人心如地
少平處天氣似春無冷時送人云冷酒十分無客送

輕車一兩有民攀又云兵堪渡海將軍老史不占天
處士開村行云路小馬蹄高渡下村深雞唱有如無
李鴈湖詩程滄州守宜春判于郡齋余不及識公初
筮豫章公謫居臨川從曾極景建得余詩簡景建云
劉君詩兼鮑庾之清俊前與先君同舍不知其郎君
詩筆如此悅得宜春本摘其警語一二于此紅梅云
晚蒼鄭公殊嫵媚生憎夷甫太鮮明送揚子直知吉
州云憂時鉄石孤忠在閱世風花老眼空酬景建云
新有千絲明曉鏡無舊一面贊宵衣閑吟此外惟須
飲老蒼人問萬事非又云向來交態雲翻手靜裡玄

言石點頭鴈湖注半山詩甚精確其絕句有絕似半
山者已采入詩選矣如平生閱世朦朧眼偏向白鷗
飛處明如鴉健觸翻紅軟軟鷗閑占斷碧粼粼皆可
風味如金谷友玉川奴鷓鴣賦蛺蝶圖准蓬鬢寸草
心鷲友鴈奴鷓客蟹奴皆的对

于湖讀中興碑云繡綉兒啼思塞酥重牀燎香驅羣
胡阿環錦襪無尋處一夜驚眠搖帳柱朔方天子神
為謀三郎歸未長慶樓樓前拜舞作奇崇中興之功
不贖罪日光玉潔十丈碑蛟龍盤拏與天齊北望神
皋雙淚落秣今何人老文李題蔡濟忠所摹御府米

帖云生前官職但執戟身後一字萬金直當時雷電
 下收拾世間不減有遺逸整整十卷字尤濕光采激
 射海為立平生我亦有書癖對此懽悅心若失口吐
 汗下屢太息十日把玩不得食作牋天公拜稽首乞
 我此老生時一雙手為君痛飲百斛酒墨池如江筆
 如帚一掃萬字不停肘

石徂徠讀石安仁曼卿舊安仁李士詩云齊梁無駭骨李

杜得秋毫後世益纂組變風堪鬱陶奔道少驥送禿
 冗如牛毛試看安仁詠秋風有怒濤徂徠刀排揚劉
 而推重曼卿如此但前云駭骨後又云驥送何也寄

張送道云臘尽妻未褐天寒子讀書寄明渡先生云
 殘書幾篋蠹寒菊半籬荒惟李春秋者時時到草堂
 殊有魏野林逋氣格

徐淵子詩用紡塼字斯千詩載弄之瓦注云紡塼也
 說苑亦云和氏之璧千金之室用以間紡不如瓦塼
 癸未甲申余自桂林入都改秩一日自外歸逆旅主
 人云有二客訪君不過留刺而去視之蓋高績古鍾
 春伯二館職也皆素昧明日往謝高云吾于陸伯敬
 處見子某詩鍾云吾于南塘處見子四六相約訪君
 共論此事何相避之深也鍾惠四六一卷高遺跡察

詩二冊未幾鍾貴顯高出館不復入今皆物故余老矣四六姑置惟詩結習未忘所得踈寮二冊前已摘出一二聯後得其全集數倍于舊老筆如湘絃泗磬多人間俚耳所未聞者有石湖放翁誠齋之風部帙既多不能遍閱姑錄其警語于編以備遺忘五言揚嗣勛惠茯苓云道是青神谷元通白帝崖有松如壯士其鬼化嬰兒雲濕侵鷄嘴天寒翦兔絲堯初香摘髓秦後雪凝脂穴動龍蛇窟山空鳥獸悲惟將千歲力自了一生竒送潘德鄰帥廣云風穩琛舟引春明弁服衙謁吳給事云上皇今百歲近侍不多人寄僧

云鹿采花修供猿分石坐禪別僧云夢無全覓久詩只半聯竒听雪云竹大時聞折梅明不受靈雜詩云今古憑詩了乾坤賴酒澆忙尤輪使硯懶尚事持茶買研云汾獻弁雲鼎秦遺蝕雪碑曹娥江云沙冷鴈一二天長帆有無七言送蜀客云峨眉雪罷添巴水玉壘雲空見蜀星白浪不侵魚復陣青苔尤護劍闕銘題放翁誠齋倡和云題徧鮫綃乾碧海吹將鶴笛上青天道山堂前梅花云太乙神仙游冊府秦王李士凭欄千憶豎云已是飛來鷓鴣了可能落到牡丹花讀漫郎詩云東西都漢允司馬三百年唐只次山

荅人云晉書好傳偏安石唐世諸人且樂天送歎守
云龍尾石須分幾寸牡丹花不望頭綱池西云旋作
池來分剡曲略教花處似蘇堤梅花云相依豈恨移
來晚欲訴尤須說到明絕句尤多佳者都下云柳生
春思拂京華不管閒人也憶家添好香那睡得月
痕如水浸梨花中秋夜登秀臺二絕云青冥風露無
人管醉力飛昇入桂臺月過斗西親稅住伴人騎鶴
去蓬萊冰娥看盡人間世好事如公不數枚却喚清
壘相揖酌汝听下界息成雷梨花詞云殿頭催引上
清華獨奏春詞唱賜茶帶月歸來仙骨冷夢魂全不

到梨花晚泊江口云白鷺青煙刺江口梅六七分經
雪後月肯流連相伴酒隔岸呼舡有魚否五言古体
荅辛幻安云青天不惜日壯士偏知秋自古有奇画
如今空白頭彼時當再來吾老不可留天推璧月上
星入銀河流躔度若此急人生與之浮終夜自起舞
無人共登樓典謨有陳言河洛非故州黃鶴呼不來
誰能理殘裘此篇甚高古

杜撫伯高題蘭亭序云君勿笑新亭相對泣却勝蘭
亭暮春集白頭吟云長門作賦直千金不知家有白
頭吟二詩皆有味

王元澤詩不滿百度閩山篇云萬馬度閩山閩山三尺雪馬尽雪亦乾沙飛石更裂歸來三五騎旌旗映雲滅不見去時人空流磧中血古樂府無以加春懷云朝日上屋角百鳥鳴不休豈復辨名字但聞鬧鉤鞞亂我讀書語驚我夢寐游彎弓彈使去暫去還啾啾彈十不得一兀窮未愈稠拔弓坐榻上咄咄空自尤時節使汝鳴我何為汝辭絕句云一雙燕子語簾前病客無慘尽日眠開徧杏花人不到滿庭輕雨綠如煙霏微細雨不成泥料峭輕寒透夾衣處處園林皆有主欲尋何地看春歸殊有乃翁思致

獵較集前已摘數聯晚温故讀再錄昔遺忘者七言雪中云但能閉戶酌季雅安用馭風尋伯昏種蕪菁作羹云且喜蕪菁種得成臺心散出碧縱橫脆甜脯子無反惡肥嫩羔兒不殺生樂羊豈斷兒絲念劉季寧無父子情爭似野人茅屋下日高淡煮一杯羹歷世云面朋面友風雨散山鳥山花淡薄交一榻輿瑜容獨卧蒲枿杞菊是兼肴五言云天寒尤著絮雨濕欲蒸書吳地人情薄西人客計疎無書堪着眼有法可安心絕句云誰倚黃旗喚阿瞞令君終作可憐人蕭然唯有鹿門老不帶絲劉一点塵輕陰小雨晚難

收柳瘦梅窮却似秋可恨水仙花不語無人共我說
春愁春怨云梨花雨送海棠風不借烟脂作小紅幾
日無人吹玉笛鴛鴦飛入館娃宮此老筆力有謫仙
風骨集中有云老鶴悔拋青嶂裡客星倦倚紫微邊
又云而今心服陶元亮作得人間第一流豈非深悔
晚出之誤歎

滿山集多不經人道語此公讀書多氣老筆適題顏
魯公像云千五百年如烈日二十四州惟一人朝衣
視坎趨前死羽服行山即此身與客晚集云之下一
來同晚步先生小住待村春春晴云四野綠迴春補

闕亂山塵淨雨修容懶軒云經年不濯子春足半月
纒梳叔夜頭止酒云檝紳處士議所以將軍貴人須
畢之月夜云琉璃虛空甚圓滿紫磨山川更新鑄梅
花絕句云姑射山頭冰雪仙人間一見便豐年却應
羞死琴臺女不得乃翁分一錢荷珠云客來切勿令
覩此蕙荻尤能困伏波如大槐小草木偶芻靈朝采
夜光立豹尊鷓鴣口伐手談木上座麴先生千金子萬
玉妃童欺我老農報子春下岩研正焙茶昏的对
王逢原集張巡篇云祿兒射火燒九天鬼手不撲神
听旃群庸仰口不肯唾反出長喙噓之燃睢陽城窮

縮死鬘危繫一髮懸九淵
巡嗔睨遠兩背拆怒嚼齒
碎鬚張肩恨身不毛劍無翼
不能飛去殘賊噉翁軀
腥刀兒磔姐日嚼肉血尤
經年霽雲卓椽兩臂去西
來才有九指還胃中憤氣吐
不散去隨箭入浮屠埽
忠窮智索莫自効更嚮愛妻
常飢涎我疑沒日賊不
食恐其肉醜死不痊又疑身
骨不化土定作金鉄埋
重泉何時山移陵谷變發出
鼓鑄戈或鋌吾如得之
願有用不誅已然誅未然此
作出虛全上交難贈杜
漸云兩鼠共謀渴相飲期入
水一鼠下鮪垂一鼠上
街尾前鼠以之跌後鼠以之
死鼠死何足噫夫人終

可悲平地把手笑乘崖撥足
擠賊防易為刀壯健完
墻籬交防難為人笑面惡肝
脾前日信其是今日悟
其非安得先知明有如灼火
龜然則柰之何期子同
吁噉此必有為而作誰氏子
云弱弱誰氏子鮮鮮一
何妹來奔富人家妻與富人
俱嚴粧問夫子我豈彼
室如夫子笑遣之彼寧與汝
都升堂由阼階德色溢
以舒親甯不敢笑退語相噉
吁高堂聚群婢唯諾相
恣睢家事忽不圖願指取自如
朝令折柱薪暮遣藩
籬除風雨半夜來百釁生不
虞屋壓盜隨至夫死別
嫁夫東鄰有淑子性不事鉉
米端居待人求正色不

願諛清鏡見白髮行謀不顧問不知愛妻人取捨何
異欣詞意似王建張籍哭詩云目雖淚所出由來心
乃源白日照我面意欲乾沈瀾而不照我心我淚何
由乾况在重雲遮使我何自安又云目存多所見不
若無目完山中云山中亦有出山路山人自不與世
通拂衣起行飲流水枕書就卧听松風地寬江河競
搖蕩天闊日月爭西東乾坤自為四時役萬事不到
幽人甯集中新意快句不可勝紀如舟方乘号人不
吾以覆且溺号我同人死來蒿為楹樗為柱居者略
不憂其顛吾觀世之陷此者不啻火立足回燔豈期

既自悟不思跳出乃欲踣井方崩号治隧屋且
雕椽傾江竭河論麴水都投大海為酒池中問
不盈掬日益醞釀成澆漓不知淳風竟何遠萬
奔舉招不迴五言云清醒甘澤畔富貴奈墻間劍
終羞屈蘭遺不改香其論文云星緯織成副地錦
治鑄出春天矛文章日組緯玉機飛金梭誰有真
繩結作張麟羅老成終到孔窮死亦為顏不能繩
急何力禁人叛不知里社歌不可郊廟施梅花云
知後世無所用兒疇不羨還棄之贈王平甫云古
誰云朽死魄如可召其詠物馴鹿云秣消指馬相

有逐原人豺狼好牙爪應笑角如麟水車云上潤
已然下竭將柰何鴈云閉塞風高夜江湖木落秋
鷲云緜乘一綫憑風去便有愚兒仰面看春雪云
戶開重墜冰魚上復沉東園云天桃未老已抽青
略朱旗冠翠纛雖然素李不爭華似洗朱丹誇瑩
昔讀廣陵集草草用朱筆点出妙處子脩弟手
余所点者于冊晚見子脩所抄老矣又偏盲不能
冊子遂再選一番本朝諸人惟逢原別是一種
如灵芝慶雲出為祥瑞半山崛強于歐蘇無所
非苟歎伏後生者

逢原集中有吕吉甫所答五言云東海有滄溟西極
有崑崙子已具舟車我亦為檝輪吉甫能為此言豈
非近朱者赤耶

方豐之德亨及與吕紫微交游放翁序其詩梅花云
天女終降大居士登伽惟撓小乘禪又云老夫六用
銷磨尽時為幽香一敗禪漁父云已携巨鯉換新航
尚有難儵得自烹聞道烹鮮易煩碎呼兒無用苦調
羹歷崎道中云漠漠春陰接海低濛濛晚雨傍山飛
半歌古埭無人過時有村童護鴨歸海口云白是藍
埋青是麥誰云斥鹵不堪田五言云魂亭無金印生

澆本集
卷四
十一
涯有瓦盆

揚大年西崑詠唱集序略云予景德中忝佐修書今
紫微錢君希聖祕閣劉君子儀竝負懿文尤精雅道
予得以游其墻藩而咨其模楷因以歷覽遺編研味
前作更迭唱和互相切劘入蘭游霧雖獲益以居多
觀海夸山歎知量而中止雖崇于託驥亦愧乎續貂
凡五七言律詩二百四十七章其屬而和者又十
五人析為二卷取玉山策府之名命之曰西崑詠唱
集今考十五人者丁謂刁衍張詠晁迥李宗諤薛
陳越李維劉隲舒雅崔遵度任隨錢惟濟有名秉

不著姓王沂公只有一篇在卷末

放翁長短句云元知物造心腸別老却英雄似等閒
祕傳一字神仙訣說與君知只是頑一句丁寧君記
取神仙須是閒人做君記取封侯事在功名不信由
天元未只有閑難得青史功名天却無心惜漢父詞
云一竿風月一簑煙兩家在釣臺西住賣魚生怕近
城門况肯到紅塵深處潮生理權潮平繫纜潮落浩
歌歸去時人錯把比嚴光我自是無名漁父鷓鴣天
云杖屨尋春苦未遲洛城櫻筍正當時三千界外歸
初到五百年前揔知吹玉笛渡清伊相逢休問姓名

誰小車處士深衣叟曾是天津共賦詩好事近云混
迹寄人閒夜夜画樓銀燭誰見五雲丹竈養黃芽初
熟春風歸送紫皇遊東海宴賜谷進羅碧桃花賦賜
玉塵千斛又云平旦出秦閨雪色駕車馭鹿借問此
行安往賞清伊漢家宮殿劫灰中春草幾回綠君看
變遷如許况紛紛榮辱朝中措去怕歌愁舞懶逢迎
粧晚託春醒揔是向人深處當時枉道無情関心近
日啼紅密訴剪綠深盟杏館花陰恨淺画堂銀燭嫌
明情知言語難傳恨不似琵琶道得真其激昂感慨
者稼軒不能過飄逸高妙者與陳簡齋希真相類

顏流麗綿密者欲出晏叔原賀方回之上而世歌之
者絕少

項平庵祭新幼安文云人之生也能致天下之憎則
其死也必享天下之名豈天之所生必死而後美盖
人之所憎必死而後止嗚呼哀哉死者人之所惡公
乃以此而為榮予者公之所愛必當與我而皆行苟
旦暮而相送固予心之所愛尚眠食以偷生恨公行
之不待自昔哀誄未有悲于此者

平庵五言絕句武夷鉄笛亭云夜嘯千崖裂朝吟萬
象蘇山人大自在無淚拚君鬚諸葛祠堂云羽扇白

綸巾堂堂六尺身我評秦漢下宇宙只斯人永州云
日日長沙岸看雲只念家如何永州亭偏愛在長沙
款乃曲云雷迺出深溪湘山日落時若非堯女哭即
是楚臣啼雜五言如隆中評劉牧云阿琦去梯策尚
識抱膝公誰云豚犬愚頗復勝乃翁又平生萬事偽
惟有病是實時方攻偽其言如此

六言和王仲衡尚書云聖賢生世不數文章何代無
人一言蔽思無邪三萬解曰若稽

七言八句讀三國志云曹劉有志混華戎無奈吳兒
兩炬紅赤壁燭燒雲夢澤夷陵光照永樂宮人間身

此鼎三足天上無因日再中惟有葛公心未死夜深
寒月照孤忠路傍有因梅竹以編籬者云已生野外
更籬根仍與蚩氓補斷垣博士低頭乘霧障玉姬掩
面嫁烏絲風枝雨葉無生意粉面朱唇有淚痕說與
調羹吹律事老農那信腐儒言雜七言如送水心淮
東總領云藍縷疾耕家四壁鉢衣高卧日千金四朝
餉士前無古一旦和戎患至今如送邕州高教授云
君行回馬前頭路我上杜鵑無處船夔州永安宮云
吳娃解掩夫羞面難繫劉郎一寸心公瑾欲以子
瑜留備吳王
送陳止齋納官還鄉云正尔釣絲江上去依然羽扇

篋中情歲禿筆云莫欺貧士無絃施時向文房度一
僧湖上云全家寢食涼淨上韶漢聲中過百年和人
云窓中見日知晨暮瓶裡看花記歲時新讀子書多
乙者舊吟詩藁盡丁之詠拋毬云綵毬丹柱倚春風
寒食清明罷綉工漠北將軍貪蹋鞠豈知兵法在吳
宮

七言絕句春日堤上云高高下下十五里白白紅紅
千樹花揔在疎籬斷垣裡背堤臨水小人家見梅云
草枯葉脫四山童萬里長天一目空數點寒梢著紅
蘂人閒驚喜見春風次韻羅鄧州導別兼江上相留

不肯留渡江沿岸却回頭漢江東去人西去不見高
城始是愁潯州路口小雨云三十年前過此時一雙
青髻縮青絲如今舊雨尤相記只傍星星白處吹落
帽臺云千山搖落萬林空數點黃花酒盞中半破接
籬誰耐管已將身世付西風分明屈子獨醒愁故作
南華醉夢游豈是晉人真愛酒渠僕心事更悲秋上
冢云兒時飛鞚得金堤掣電驚風過馬蹄今日筍輿
搖醉帽城東一日到城西

與潘德父倡和糟蟹詩押險韻至六首皆新奇而首
篇尤工大戴笑汝無穴字雙螯小戴笑汝有筐如子

臯太玄笑汝長郭索入穴慚躓升慚孫知心但有華
吏部卧起與汝同酒精後未愛者蘇長公亦只許汝
中山醪固知合向一丘老安得與三辰翺長公貌
喜心未敢雖美微生尤惡饕我疑吳儂修福怨和秫
醢汝償民膏雖然因此得長醉痛取未必非深褒又
疑畢叟妬劉掾曾以螟蛉輕二豪故回左手就箕踞
持蟹藉糟成兩高

石湖詩三十四卷五言如思陵挽詞云寇降千楛楡
胡拜兩單于首山銅鼎就前殿玉卮空病中云目昔
浮珠珮聲塵籟玉簫注水瓶花醒吹薪鼎藥潮丙午

元日云童心仍竹馬暮境忽蒲輪春晚云繡地紅千
点平橋綠一篙棟花未石首穀兩熟櫻桃詠懷自嘲
云退閑驚客至衰懶怕書來挽趙密太保云鬢凋尤
陞戟心在惜馭弓

六言久病或功遊適云羸如蓐婦多忌倦似田翁作
勞玩具僧梳剛屣懽惊丁尾龜毛請息齋云洞門晝
掛鉄鎖閤道秋生綠苔耆下略同龜伏瓜中且免蠅
聿又云勞君敬枯木耳恐汝見温灰焉

七言發合江云舡尾竹林遮縣市故人尤自立沙頭
將至吳中云新事略逆年少問故人差覓坐中稀玉

麟堂會客云不用忙催銀燭上餘醺如雪照黃昏秋
晚閑吟云旁若無人鼠飲硯麾之不去蠅登盤丙午
新正云病憐柳粟隨身慣老蒼餘酥到手遲又云人
情舊而非今兩老境增年是減年口不兩匙休逞毅
生能幾履莫言錢行營壽藏云縱有千年鉄門限終
須一箇土饅頭偶書云已甘捐捐勤為圃休向滔滔
苦問津親鄰招集強徃便歸云氣衰况渡三而竭心
賞尤于四者難一龕云與老有情冬後煖去仙無幾
日高眠

七言絕句昌化云翠染南山擁縣門一洲橫截兩溪

分長官日永無公事卧听灘聲看白雲長沙王墓云
英雄轉眼逐東流百戰工夫土一杯蕎麥茫茫花似
雪牧童吹笛上高丘處州罵花亭云山碧叢叢四打
圍煩將舊恨訪黃鸝緜林霜後黃鸝少酒是愁紅萬
点時續長恨歌云別後相思夢亦難東虛雲路海漫
漫仙凡頓隔銀屏影不似當年取次看楓橋云朱門
白壁枕灣流桃李無言滿屋頭墙上浮圖路傍堠送
人南北管離愁次韻陸務观云離合紛紛怕遠遊遠
遊仍怕賦登樓何須一望三千里望尽西州轉更愁
田園雜興云騎吹東來里巷喧行春車馬鬧如煙繫

牛莫礙門前路移繫門西碌碡邊
汙萊一稜水周圍
歲歲蝸庐沒半扉不着芟青難護岸
小舟撐取葑田
歸槐葉初勻日氣涼
葱葱鼠耳翠成雙
三公只得三
林看闕客清陰滿北窓
采菱辛苦廢犁鉏
血指流丹
鬼質枯無力買田聊種水
近來湖面亦收租
古鼎作
香炉云雲雷縈帶古文
章子子孫孫永奉常
辛苦勒
銘成底事如今流落管燒香

石湖長短句醉落魄云
馬蹄塵撲春風得意笙簫逐
款門不問誰家竹
稊棟紅粧多處燒銀燭
碧雞坊裡
花如屋燕王宮下
花成谷不須悔唱陽關曲
直為海

棠也合來西蜀南柯子云
悵望梅花驛凝情杜若州
香雲低處有高楼
可惜高楼不近木蘭舟
緘素進魚
遠題紅片葉秋欲憑江水
寄離愁江已東流
那肯更
西流
春若有情春莫去
花如無恨花休落

茶山詩十五卷九百一十篇者是也
續刊後集亦十五卷
然中閒多泛應謾與者
前輩所作尤自剛其半
今人乃並存而不削欲其行世難矣

稼軒五言絕句元日云
老病忘時節空齋曉尚眠
兒童喚翁起今日是新年
偶題云
逢花眼倦開見酒手
頻推不恨吾年老
恨他將病來
七言云
錯處真成九

州鉄樂時能得幾鉤絲酒腸未減長鯨吸詩思如抽
獨繭絲皆佳句然為詞翰所

後村集卷之四十九

後村集卷之五十

詩話

新集

陳拾遺

感遇詩云微月生西海幽陽始化昇圓光正東滿陰
魄已朝凝太極生天地三元更廢興至精諒斯在三
五誰能徵又云蘭若生春夏芊蔚何青青幽獨空林
色未蕤冒紫莖遲遲白日晚嫋嫋秋風生歲華盡搖
落芳意竟何成又云蒼蒼丁零塞今古緬荒途亭瑍
何摧瓦暴骨無全軀黃沙暮南起白日隱西隅漢甲
三十萬曾以事匈奴但見沙場死誰憐塞上狐又云

樂羊為魏將食子殉軍功骨肉且相薄它人安得忠
吾聞中山相乃屬放麋翁狐獸尤不忍况以奉君終
又云市人矜巧智于道若童蒙傾奪相夸侈不知身
所終曷見玄冥子觀世玉壺中杳然遺天地乘化入
無窮又云吾觀龍變化乃知至陽精石林何密幽洞
無留行古之得仙道信與元化并玄感非象識誰能
測淪冥世人拘目見酣酒笑丹經崐崙有瑤樹安得
采其英又云白日毋不歸青陽時暮矣茫茫吾何思
林臥觀無始衆芳委時晦鷓鴣悲鳴耳鴻荒古已頽
誰識巢居子又云吾觀崐崙化日月淪洞冥精魄

相交構天壤以羅生仲尼推太極老聃貴窈冥西方
金仙子崇議乃無明室色皆寂滅業緣定何成名教
信紛籍死生俱未停又云聖人秘元命惧世亂其真
如何嵩公輩詼譎誤時人先天誠為羨階亂禍誰因
長城備胡寇羸禍發其親赤精既迷漢子年何救秦
去去桃李花多言如死麻又云深居觀元化怩然爭
朵頤羣動相啖食利害紛嘒嘒便便夸毗子榮耀更
相持務光讓天下商賈競刀錐已矣行采芝萬世同
一時又云吾愛鬼谷子青谿無玷氛囊括經世道遺
身在白雲七雄方龍鬪天下久無君浮榮不足貴導

養晦時文舒可弥宇宙卷之不盈分豈徒山木壽空
與麋鹿群又云啾啾南山鹿離罟以媒和招搖青桂
樹幽蠹亦成科世情甘近習榮耀紛如何怨憎未相
復親愛生禍羅瑤臺傾巧笑玉杯殞雙蛾誰見孤城
樹青青成斧柯又云林居病時久水木澹孤清閑卧
觀物化悠悠念群生青春始萌達冰火已滿盈殂落
方自此感歎何時平又云臨歧泣世道天命良悠悠
昔日殷王子玉馬遂朝周寶鼎淪伊穀瑤臺成故丘
西山傷遺老東陵有故侯又云貴人難得意賞愛在
須臾莫以心如玉採他明月珠昔稱夭桃子今為春

市徒鷓鴣悲東國麋鹿泣姑蘇誰見鷓夷子扁舟去
五湖又云聖人去已久公道緬良難嗷嗷夸毗子堯
禹以為謾驕榮貴工巧勢利迷相干燕王尊樂毅分
國願同歡魯連讓齊爵遺組去邯鄲伊人信往矣感
激為誰歎又云幽居現大運悠悠念群生終古代興
沒豪聖莫能爭三季論周赧七雄滅秦嬴復聞赤精
子提劍入咸京炎光既無象晉魯復縱橫堯禹道已
昧昏虐勢方行豈無當世雄天道與胡兵咄咄安可
言時醉而未醒仲尼溺東夏伯陽遁西溟大運自古
來旅人胡歎哉又云遶遶世已久骨鯁道斯窮豈無

感激者時俗頽此風灌園何其鄙皎皎于陵子世道
不相容嗟嗟張良公又云聖人不利己憂濟在元元
黃屋非堯意瑤臺安可論吾聞西方化清淨道彌敦
柰何窮金玉彫刻以為尊雲構山林尽瑤圖珠翠煩
鬼功尚未可人力安能存夸愚適增累矜智道逾昏
又云玄天幽且默羣議曷嗤嗤聖人教尤在世運久
陵遲一繩將何繫憂醉不能持去去行采芝勿為塵
所欺又云蜻蛉遊天下與世本無患飛飛未能止黃
雀來相干穰侯富秦寵金石比交欢出入咸陽裡諸
侯莫敢言寧知山東客激怒秦王肝布衣取丞相千

載為辛酸又云微霜知歲晏斧柯始青青况乃金天
夕浩露霑群英登山望宇宙白日已西溟雲海方蕩
瀟孤鱗安得寧又云翡翠巢南海雄雌珠樹林何如
美人意驕愛比黃金殺身炎洲裡委羽玉堂陰旖旎
光首飾歲蕤爛錦衾豈不在遐遠虞羅忽見尋多材
信為累歎息此珍禽又云絜瓶者誰子妖服當青春
三五明月滿盈盈不自珍高堂委金玉微縷懸千鈞
如何負公鼎被奪笑時人又云玄蟬號白露茲歲已
蹉跎羣物送大化孤英將柰何瑤臺有青鳥遠食玉
山未崑崙見玄鳳豈復虞雲羅又云荒哉穆天子好

與白雲期宮女多怨曠層城閉蛾眉日耽瑤臺樂豈
傷桃李時青苔空萎絕白髮生羅帷又云朝發宜都
渚浩然思故鄉故鄉不可見路隔巫山陽巫山綵雲
沒高丘正微茫佇立望已久涕淚霑衣裳豈茲越鄉
感憶昔楚襄王朝雲無處所荆國亦淪亡又云昔日
章華宴荆王樂荒淫霓旌翠羽蓋射兕雲夢林竭來
高唐現悵望雲陽岑雄圖今何在黃雀空哀吟又云
丁亥歲云暮西山事甲兵羸糧匱道荷戟爭羗城
嚴冬陰風勁窮岫油雲生昏黯無晝夜羽檄復相驚
攀躅兢萬仞崩危遠九冥籍籍峯壑裡哀哀冰雪行

聖人御宇宙聞道泰階平肉食謀何失葵藿絢縱橫
又云可憐瑤臺樹灼灼佳人姿碧華映冰實攀折青
春時豈不盛光寵崇君白玉墀但恨紅芳歇凋傷感
所思又云竭來豪遊子勢利禍之門如何蘭膏歎感
激自生冤衆趨明所避時棄道尤存雲泉既已失羅
網與誰論箕山有高節湘水有清源唯應白鷗鳥可
為洗心言又云索居獨幾日炎夏忽然衰陽彩昏陰
翳親友尽睽違登山望不見涕泣久漣漣宿夢感顏
色若與白雲期世中驕豪子驅逐正嗷嗷蜀山與楚
水携手在何時又云金鼎合神丹世人將見欺飛飛

騎羊子胡乃在蛾眉變化固幽類芳菲能幾時疲病
苦淪世憂悔日浸湍眷然顧幽褐白雲空涕洟又云
朔風吹海樹蕭條邊已秋亭上誰家子衮衮明月樓
燕客結髮事遠遊赤丸殺公吏白刃報私讎
避仇至海上被役此邊州故鄉三千里遠水復悠悠
每憤胡兵入常為漢國羞如何七十載白首未封侯
又云本為貴公子平生實愛才感時思報國拔劍起
蒿萊西馳丁令塞北上單于臺登山見千里懷古心
悠哉誰言未忘禍磨沒成塵埃又云浩然生何暮吾
蜀有蛾眉念與楚狂子悠悠白雲期時我悲不念涕

泣夕漣洒夢綏山穴南采巫江芝探元規竒化遺世
送雲螭婉妾將永矣感悟不見之又云朝入雲中郡
北望單于臺胡秦何密迹沙朔氣雄吼籍籍天驕子
猖狂已復來塞垣無名將亭堠空崔嵬咄嗟吾何歎
邊人塗草萊又云仲尼探元化幽鴻順陽和大運自
盈縮春秋遞來過盲聽忽號怒萬物相紛劇溟海皆
震蕩孤鳳其如何編詩自唐人有李杜泛浩浩韓柳
摩蒼蒼之句余既以此四君子冠篇首然以輩行歲
月較之則陳拾遺在四君子之上感遇之作雖朱文
公命世大儒亦凜然起教昔摘教聯今全錄于此

李杜

子羨墓誌云娶弘農楊氏司農少卿怡之四十九而
終于宗武至死不克葬其子嗣業後四十餘年乃克
葬于首陽山前長子宗文者傳記皆不言其所終豈
失學遂無聞歟如樹鷄柵之類必非精文選者

太白後序云娶許生一女二男女明日月奴嫁而卒
繼劉次合曾生子曰頗黎終娶宗凡四娶又云携駿
馬羨妻所適二千石郊迎飲數斗世號李東山余記
白子名伯禽今新舊唐史皆不載新史載其二孫女
嫁為民妻進止有風範謂觀察使范傳正言先祖志

在青山葬東麓非其志傳正為改葬青山又欲使二
女改妻士族辭以命也不願更嫁傳正復其夫徭役
頗黎豈伯禽之小字欵史逸其事當放白與宗十六詩
云晚娶宗序記
為宋

世傳退之有題子羨墳七言一首末章有三賢所歸
同一水之句此篇出入平仄數韻索三十六句其辭
鄙淺無一字是韓筆韓集李漢所編亦無此篇
元微之作子羨墓誌及銘皆高古如云子羨上薄風
騷下該沈宗言奪蘇李氣吞曹劉掩顏謝之孤高雜
徐庾之流麗盡古今之體制兼文人之所獨專說詩

出其評李杜謂太白壯浪縱恣擢去拘束模寫物象及樂府歌詩誠亦差肩子美矣至若鋪陳終始排比聲韻大千言以數百詞氣豪邁屬對律切李尚不能歷其藩翰况壺奧乎則抑揚太甚

國初盛稱二何之文苦不多見僅序杜詩云公詩支為六家孟郊得其氣燭張籍得其簡麗姚合得其清雅賈島得其奇僻杜牧薛能得其豪健陸龜蒙得其贍博此數語亦近似但郊謂之得杜氣骨可也烏有所謂燭能詩非牧比不可並稱龜蒙非甚贍博亦道不着余謂善評杜詩無出半山吾觀少陵詩謂與

元氣侔之篇萬世不易之論王逢原云雕鐫物象三千首照耀乾坤四百春雖面前語它人亦不能道揚大年歐陽公皆不喜杜子美詩王介甫不喜太白詩殊不可曉介甫之說云白詩十句九句說婦人猶耳獨不思命高將軍脫靴識郭汾陽于貧賤時比開元貴妃于飛燕豈說婦人酒者所能為耶晦翁亦云近時詩人何曾夢見太白脚後板

故人陳伯寔懌郎中讀北征詩戲語余云子美善謹如云粉黛忽解苞狼籍画眉濶雖妻女亦不怨余云公知其一尔別詩云清輝玉臂寒則閨中之膚色王

耀可見又云何時倚虛幌雙照淚痕乾其篤于伉儷
如此伯震大笑

白與裴長史書云蜀中友人吳指南死于洞庭之上
白禫服慟哭若喪天倫炎月伏屍泣盡繼之以血權
殯湖側自金陵歸數年遺骸尤在白雪泣裹骨徒步
負之而趨丐貸營葬于鄂城之東其自序如此史亦
不書

史言明皇欲官太白為妃所沮余觀飛燕在昭陽之
語不足深憾雪謔詩自敘甚詳略云漢祖呂氏食其
在旁秦皇太后毒亦媼荒時妃以祿山為兒史云宮

中有醜聲而白肆言無忌如此唐人于玉環事多微
婉其辭如云養在深宮人未識又云薛王沉醉壽王
醒又云不送金輿惟壽王白獨昌言之可見剛稜嫉
惡故坡公疑其以此召怨力士因借此以報脫靴之
辱豈飛燕之句能為崇乳

李郭皆唐名將臨淮馭軍嚴士不敢仰視汾陽頗寬
大故子美新安吏點兵詩云送行勿泣血僕射如
父兄

岳陽樓云昔聞洞庭水今上岳陽樓吳楚東南拆乾
坤日夜浮親朋無一字老病有孤舟戎馬閩山北憑

軒涕泗流岳陽樓賦詠多矣須還此篇獨步非孟浩
然輩所及

千秋節云宝鏡羣臣得金吾萬國迴衢樽不重飲白
首獨餘袁枚子美在天宝剛雖獻三賦未常一用不
過扈駕入蜀暫為諫官而追懷開元于十九年之後
宝鏡群臣得金吾萬國迴之句言羣臣皆賜鏡而金
吾仗衛萬里還京獨常艱阻未云衢樽不重飲白首
獨餘袁公于唐朝諸公中竄遠而一念不忘忠愛
比陳希烈張洎張均兄弟窮富極貴賣唐臣賊罪不
容誅矣

本朝詩僧道潛自號參寥然太白有贈參寥子一篇
云白鶴飛天書南荆訪高士五雲在峴山果得參寥
子翫麟舞故園昂歲入君門天子分玉帛百官接話
言長揖不受官拂衣歸林壑此一僧一道士皆號參
寥以先後言則潛為頂冒聊記之以發一笑

新安吏潼關吏石壕吏新婚別垂老別無家別諸篇
其述男女怨曠室家離別父子夫婦不相保之意與
東山采薇出車杖杜數詩相為表裡唐自中葉以徂
役調發為常至于亡國肅代而後非復正觀開元之
唐矣新舊唐史不載者略見杜詩

太白百憂萬憤二篇百憂上崔相者負也云台星再
朗天網重恢屈法伸恩棄瑕取材奔賴負力北歸萬
憤投魏郎中不知魏何人乃儕之崔相之列此篇云
樹榛拔桂囚鸞寵鷄語甚新又言兄弟妻子離隔有
一門骨肉散百草遭難不復相提携之句魏必是一
志義之士能恤人患難者當致

八哀詩如張曲江云仙鶴下人闕獨乘霜毛整上君
白玉堂倚君金華省如李北海云古人不見可前輩
復誰繼又云碑版照四裔又云豐屋珊瑚鈎騏驎織
成罽紫騮隨劍几義取無虛歲又云獨步四十年風

聽九臯嘆子美惟于美此二公尤尊一敬如李臨淮
云平生白羽扇零落蛟龍匣極悲壯又云青蠅紛營
營風雨秋一葉內省未入朝死淚終映睫其形容臨
淮憂讒畏讒不敢入朝之意說得出餘人如鄭度之
類非無可說但每篇多蕪穢索句或為韻所拘殊欠
條曾不如飲中八仙之警策蓋八仙篇每人只三四
句八哀詩或索押二三十韻以此知繁不如簡大手
筆亦然

太白求白鵬詩云照影玉潭裡刷毛琪樹間夜棲寒
月靜朝步落花間唐人詠白鵬者極少本朝歐梅皆

有此作當更求鷓鴣詩以補遺

醉峇丁十八云黃鶴高樓已槌碎黃鶴仙人無所依
黃鶴上天訴玉帝却放黃鶴江南歸神明太守再調
飾新圖粉壁還芳菲一州笑我為狂客少年往往來
相訊君平簾下誰家子云是遼東丁令威作詩掉我
驚送興白雲遠筆窓前飛待取明朝酒醒罷與君爛
熯尋春暉丁十八不知為何人敢與嫡仙挑戰豈非
任棠之流乎

贈岑徵君云岑公相門子雅望歸安石奕世皆夔龍
中台有三折雖登洛陽殿不屈巢由身余亦謝明主
今稱偃仰臣登高覽萬古思與庶成鄰西來一搖扇
共拂元規塵此篇清拔不書徵君名豈非與子美同
為遺補者乎按京兆杜確序岑參詩言參曾大父文
本大父長倩伯父羲皆至台輔則徵君只是此人無
可疑者但序云參天寶三載進士高第歷官至右補
闕起居郎入為郎出為京西判官嘉州刺史不言其
嘗被徵召豈偶遺忘耶

別宗子六云我非東床人令姊忝齊眉浪迹未出世
室名動京師遠遭雲羅解翻作夜郎悲拙妻莫邪劍
及此三龍隨慙君湍波苦千里遠送之白帝曉猿斷

後和集
卷之四
黃牛過客遲遙瞻明月峽西去益相思妻與團兄從
至夜郎與集序終娶于宗之說合注家或以宋為宗
或以宗為宋但當以白詩為正

江陵送馬卿云天意高難問人情老易悲惠子云皇
天無老眼空谷滯斯人唐人送山人處士五言多矣
此二聯劉隨州鮑溶輩精思不能逮

小寒食舟中云春水舡如天上坐老年花似霧中看
此聯在目前而古今人所未發

天育驃騎歌云伊昔太僕張景順監牧攻駒閱清峻
遂令大奴守天育天育監中
大奴謂王毛仲別養驥子憐神俊

當時四十萬匹馬張生歎其材
天下故獨寫真傳
世人見之座右久更新
年多物化空形影
嗚呼健步無由騁
如今豈無驪襄與驊騮
時無王良伯樂死即休
又題常偃馬云常侯別我有所適
知我憐君画無敵
戲拈秃筆掃驊騮
歛見騏驎出東壁
一匹鬪草一匹嘶
坐看千里當霜蹄
時危安得真致此
與人同生亦同死
少陵馬詩多矣
此二篇及曹霸丹青引
尤老蒼一洗萬古

杜鵑行云寄巢生子不自咏
羣鳥至今為哺雛
雖同君臣有舊禮
骨肉滿眼身羈孤
此篇似謂車駕幸蜀

六宮莫從萬官竄伏奔問行在者絕少又義鷓行云
飄蕭蒼素髮凜欲衝儒冠又云永激壯士肝似謂當
時有權位而不採人之急脫人于難者

前出塞云君已富土境開邊一何多棄絕父母恩吞
聲行負戈又云生死向前去不勞吏怒嗔路逢相識
人附書與六親哀哉兩訣絕不復同苦辛又云軍中
異苦樂主將寧盡聞又云殺人亦有限立國亦有疆
苟能制侵陵豈在多殺傷又云驅馬天雨雪軍行入
高山運危抱寒石捐落層冰間已去漢月遠何能築
城還後出塞云千金買馬鞍百金裝刀頭又云漁陽

豪俠地擊鼓吹笙竽雲帆轉遼海粳稻束東吳越羅
與楚練照耀臺軀主將位益崇氣驕凌上都邊人不
敢議議者死通衢又云中夜聞道歸故里俱空村惡
名幸脫免窮老無兒孫謂逃禍之難者此十四篇筆刀與
文選中擬古十九首並驅

太白擬古十三首感興六首文義或不相屬與集中
五言古詩絕不類豈貫休之徒效顰歛

望鸚鵡洲云魏帝營八極蟻覩一祢衡黃祖斗筭人
殺之受惡名鷲鷲啄孤鳳千春傷我情至今芳洲上
蘭蕙不忍生此篇有無窮之悲

永王東巡歌內一絕云三川北虜亂如麻四海南奔似永嘉但用東山謝安石為君談笑靜胡沙按永王辟客如孔巢父亦在其間白其一尔此篇所謂謝安石不知屬誰可見自負不淺然十篇只目王為帝子受命東巡與王行阮籍勸進事不同

姑熟十詠前輩疑非白作信然

越中覽古云越王勾踐破吳歸義士還家尽錦衣宮女如花滿春殿只今惟有鷓鴣飛蘇臺覽古云舊苑荒臺楊柳新菱歌春唱不勝春只今惟有西江月曾照吳王宮裡人二首可入七言絕句

上皇西巡歌云柳色未饒秦地綠花光不減上林紅又云地轉錦江成渭水天迴玉壘作長安末云少帝長安開紫極雙懸日月照乾坤時上皇播遷于蜀非欲留蜀者今盛稱錦江玉壘無異渭水長安又謂雙懸日月照乾坤若為少帝諱不力請回鑿者此所以上皇有乞我劍南一道之歎歎

秋浦十五首云秋浦長似秋蕭條使人愁遙傳一掬淚為我達揚州又云秋浦錦駝鳥人間天上稀山鷄羞綠水不敢照毛衣又云山川如剡縣風日似長沙又云兩鬢入秋浦一朝虱已衰猿聲催白髮長短尽

成絲雖五言然多佳句

玉壺吟云西施宜笑復宜颯醜女效之徒害身君王
雖愛蛾眉好無柰宮中妬殺人則妃嘗沮白信而
有證

笑歌行悲歌行太淺易久豪放前輩疑非白作

常偃雙松圖云天下幾人画古松畢宏已老韋偃少
絕筆長風起纖末滿堂動色嗟神妙兩株慘裂苔蘚
皮屈鉄交錯迴高枝白摧朽骨龍虎死黑入太陰雷
雨垂松根胡僧憇寂寞厖眉皓首無住著偏袒右肩
露雙腳葉裡松子僧前落韋侯韋侯數相見我有一

足好素絹重之不减錦繡段已令拂拭光凌亂請公
放筆為直幹韋畢李之画今皆不存賴詩以傳內白
摧朽骨龍虎死黑入太陰雷雨垂天造險語尽古松
奇怪之状李尊師松障歌云更覓良工心独苦前輩
多称此句

張舍人遺緡段云開緡風濤湧中有掉尾鯨空堂魑
魅走高枕形神清領客珍重意願我非公卿服飾定
尊卑大哉萬古程今我一賤老短褐更無營煌煌珠
宮物寢處禍所嬰昔聞黃金多坐見悔吝生柰何田
舍翁受此厚貺情錦鯨卷還客始覓心和平可見子

美一介不取之意

病栢云有栢生崇岡童童狀卑蓋偃蹇龍虎姿生當
風雲會豈知千年根中路顏色壞出非不得地蟠據
亦高大歲寒忽無憑日夜柯葉改丹鳳領九雛哀鳴
翔其外鴟鴞志意滿養子穿穴內容從何鄉來竚立
久吁怪唐自闢者力士輔國士良朝息弄權怙寵元
勲老將如汾陽臨淮西平北平皆凜凜不自安此篇
辭不迫切而意獨至

病栢之作傷微物失所至于困瘁內云常聞蓬萊殿
羅列瀟湘姿此物歲不稔玉食失光輝寇盜尚憑陵
當君減膳時汝病是天意吾諗罪有司言此菓每
奉玉食今以病見廢咎有司失包貢反不若南海
支歲馳至長安尔

枯櫟篇云蜀門多櫟櫟高者十八九其皮剝剝甚雖
衆亦易朽交橫集斧斤凋喪先蒲柳傷時苦軍乏一
物官尽取嗟尔江漢人生成亦何有有同枯櫟木使
我沉嘆久死者即已休生者何自守注云蜀人取
皮以充用如辺吏誅求江漢民力以供軍必至于
剝尽而後已

枯栢篇云榎栢枯嶢嶢鄉黨皆莫記不知幾百歲

慘無生意上枝摩皇天下根蟠厚地巨圍雷霆折萬
孔蟲蟻萃白鷄遂不來天鷄為愁思尤舍棟梁具無
復霄漢志良工古昔少識者出涕淚種榆水中央成
長何容易截成金露盤裊裊不自畏以榆本承露盤
是以輕承重豈不裊裊可畏乎註言大材不用而柔
脆菟瑣之材反居重任

東山吟云携妓東山去悵然悲謝安我妓今朝如花
月它妓古墳荒草寒白鷄夢後三百歲酒酒澆君同
所懽酣來自作青海舞秋風吹落紫綺冠彼亦一時
此亦一時浩浩洪荒高詠何必奇晉至今且千歲皆

以謝公為風流之宗雖半山崛強金陵諸詩篇篇起
敬惟謫仙乎視謝公與之對壘無所推讓時人號為
李東山固以李配謝矣

草書歌云墨池飛出北溟魚筆鋒殺尽中山兔八月
九月天氣涼酒徒辭客滿高堂須臾掃尽數千張飄
風驟雨驚颯颯落花飛雪何茫茫起來向壁不停手
一行數字大如斗恍恍如聞鬼神驚時時但見龍蛇
走左盤右蹙如驚電狀同楚漢相攻戰王逸少張伯
英古來幾許浪得名張顛老死不足教我師此技不
師古來古萬事貴天生何必要公孫大娘渾脫舞自

有草書以來未有能形容此妙者楚漢教語真可以
破鬼胆

遊太山云清曉騎白鹿直上天門山山際逢羽人方
瞳好容顏捫蘿欲就語却掩青雲閑遺我鳥跡書飄
然落崑閭其字乃上古讀之了不閑感此三歎息送
師方未還又云平明登日觀舉手開雲闕精神四飛
揚如出天地間黃河從西來窈窕入遠山凭崖覽八
極目盡長空闊偶然值青童綠髮雙雲鬢笑我晚學
仙蹉跎凋朱顏躊躇忽不見浩蕩難追攀又云舉手
弄清淺誤攀織女机明晨坐相失但見五雲飛此六

首皆仙人語非學仙人語亦非任棠輩所敢擬倫丁
十八輩所敢挑戰者

嘲魯儒云魯叟談五經白髮死章句問以經濟策茫
如墮煙霧足着遠遊履首戴方頂巾緩步從直道未
行先起塵秦家丞相府不重褒衣人君非叔孫通與
我本殊倫時事且未達歸耕汶水濱此篇幾于以儒
為戲然秦家丞相府不重褒衣人非謫仙不能道
過彭蠡云謝公入彭蠡因此遊松門余方窺石鏡兼
得窮江源而欲繼風雅豈惟清心菟雲海方助興波
濤何足論水碧或可採金膏秘莫言公將振衣去羽

化出巖煩此篇有陶謝意

與道者談玄云茫茫大夢中惟我獨先奮騰轉風火
來假合作容貌滅除昏疑盡領畧入精要朗悟前後
際始知金仙妙公詩多說仙惟此篇兼說金仙

題薛少保畫鶴云薛公十一鶴皆寫青田真低昂各
有意磊落如長人佳此志氣遠豈惟粉墨新赤霄有
真骨豈飲滂池津冥冥任所往脫略誰能馴又角鷹
歌云楚公畫鷹鷹戴角殺氣森森到幽朔觀者貪愁
掣臂飛画師不是無心學此鷹寫真在左綿却嗟真
骨遂虛傳梁間燕雀休驚怕亦未搏空上九天此鶴

此鷹賴詩而傳則詩壽于画矣赤霄有真骨豈飲滂
池津之句羽類無敵當者時人不識角鷹本色而以
左綿画本為真雖梁間燕雀亦驚怕故卒章有亦未
搏空上九天之句

前打魚篇于衆魚中獨云赤鯉騰出如有神又云魴
魚肥美知第一而徐州秃尾漢陰槎頭皆不足數又
云既飽歡娛亦蕭瑟未云君不見朝來割素鬣咫尺
波濤永相失後打魚云小魚脫漏不可訕半死半生
尤戢戢大魚傷損皆垂頭屈強沙泥有時立凍津觀
魚已再未主人罷鱗還傾盃日暮蛟龍改窟穴山根

鱸鮓隨雲雷干戈兵革闕未已鳳凰麒麟安在哉吾
徒胡為從此樂暴殄天物聖所哀兩篇末句皆不悉
暴殄之意公詩深得風人之義

催宗文樹鷄柵篇押十八韻頗奇澁久瀏亮然宗文
能領會非若阿買之不識字

摘蒼耳篇云江山秋已分林中瘴尤劇畦丁告勞苦
無以供日夕卷耳况療風童兒且時摘侵星驅之去
爛熳任遠適放筐亭午際洗剝相蒙幕登床半生熟
下筋還小益乱世誅求急黎民糠粃窄飽食復何心
荒哉膏粱客富家厨肉臭戰地骸骨白公雖羈旅奔

臠一飲咏間不悉自求温飽侵星驅出采摘者不知
是畦丁或蒼頭詩但云童兒往往是宗文兄弟尔
負薪行言夔州俗坐男而立女有四十五十無夫家
者末云若道巫山女麤醜何得此有昭君村最能行
云峽中文夫絕輕死少在公門多在水小兒學問止
論語大兒結束隨商旅此鄉之人氣量窄悞競南風
踈北客若道王無英俊材何得山有屈原宅始言夔
峽二邦之陋末以昭君屈原勉勵其土俗公詩篇篇
忠厚如此

舞劍器行世所脛炙絕妙好辭也內云先帝侍女八

後村集 卷五十一
千人公孫劍器初第一五十年間似反掌風塵瀕洞
昏玉室梨園弟子散如煙女樂餘姿映寒日金粟堆
南木已拱瞿塘石城草蕭瑟玳筵急管曲淚終樂極
哀未月車出余謂此篇與琵琶行一如壯士軒昂赴
敵場一如兒女恩怨相尔汝杜有建安黃初氣骨白
未脫長慶体尔

代內云室刀裁流水無有斷腸時妾意逐君行纏綿
亦如之又云妾似井底桃開花向誰笑君如天上月
不肯一迴照又云窺鏡不自識別多憔悴深安得秦
吉了為人道寸心潯陽非所寄內云多君同蔡琰流

是後身此三篇可入五七言絕句

長門怨云天迴北斗挂西樓金屋無人螢火流月光
欲到長門殿別作深深一畝愁此篇雖只二十八字
然婉而成章哀而不怨勝長門賦

扶風豪士歌原常春陵六國時開心露胆君所知堂
中各有三千士明日報恩知是誰四公子之客多鷄
鳴狗吠之徒豈能一一報恩哉羅隱云思量郭隗平
生事不殉昭王是負心郭隗能致樂毅劇辛以報燕
昭朱亥輩恐未能辨心

訪范居士失道落蒼耳中見范置酒摘蒼耳云它筵

不下筋此席忘朝飢菓茹之品多矣蒼耳微物而李杜皆形之賦詠物之遭遇亦有時耶

題元丹丘五言三篇云松風清襟袖石潭洗心耳又云忽遺蒼生望獨與洪崖群元丹丘不知何人而白稱之如此丹丘二字規之恐是天台鴈蕩人然山居在穎陽不可曉當攷

謫仙詩如古風六十三首及樂府諸篇又古律詩舉世誦習者不錄今所採錄或一篇或三數句各有意義覽者詳之

後村集卷之五十

流洎請曹公又贈由云三百六日日日醉如泥雖為李白婦何異太常妻世稱太白名姬駿馬若放蕩者然于倫紀尤厚別篇云妻家三作相為許氏潯陽寄由則為宗氏作矣終始篤于伉儷如此宗氏垂泪訟寃之事更不書

李杜一生流落不偶然交遊皆相名鄉社于房琯李于張鎰見于賦詠意氣投合情誼慷慨二公皆為唐佐命歟在帝室然終不能學致李杜一藉旅雲女潼谷拾橡栗而食一放逐夜郎秋浦聞猿声而哭岂兩賢文章光焰取于數天者已多折肱而然歟

攝監察御史崔成甫贈李十二云我是瀟湘放逐臣
君輝明主漢江濱天外常求太白老金陵捉得酒仙
人白剛崔侍御云嚴陵不從萬乘遊歸卧空山釣碧
流自是客星辭帝座元非太白醉揚州成甫亦是豪
傑之士更相稱譽如此答友人贈烏紗帽云領得烏
紗帽全勝白接籬山人不照鏡稚子道相宜山中答
俗人云問余何事棲碧山咲而不答心自閒桃花流
水窈然去別有天地非人間答湖州迦葉司馬問白
是何人云青蓮居士謫仙人酒肆藏名三十春湖州
司馬何須問金粟如來是